

# DISSERTATIO<sup>5</sup> ACADEMICA DE FEBRE TERTIANA INTERMITTENTE.

CUJUS VERITATEM, DEO DUCE ET  
Auspice, tueri conabitur, in Augustissimo Mons-  
pelienti Apollinis Fano, ab horâ octavâ ad meri-  
diem, die mensis Augusti anni 1731.  
JOANNES GUILLEMEAU Niortensis apud Picto-  
nes, Artium Liberalium Magister, & jam dudum  
Medicinæ Alumnus.

P R Æ S I D E

Illustrissimo Viro D. D. JACOBO LAZERME,  
Regis Consiliario & Medico, nec non in almâ  
Monspelensium Medicorum Academiâ Professore  
Regio dignissimo.

*Pro Baccalaureatu consequendo.*



MONSPELII,  
Apud FRANCISCUM ROCHARD, Regis  
Typographum unicum,

---

M. DCC. XXXI.



PROFESSORES REGII ILLUSTRIS.

Illustrissimus D D PETRUS CHIRAC,  
Regi à Secretioribus Consiliis , Ar-  
chiatorum Comes.

DISPUTATURI.

R. D. Franciscus Chicoyneau , *Cancel-  
larius et Judex.*

R. D. Joannes Bezac , *Decanus.*

R. D. Antonius Deidier , *Sti. Michaëlis  
Eques & Triremium Archiater.*

R. D. Petrus Rideux.

R. D. Antonius Magnol.

R. D. Henricus Haguenot.

R. D. Franciscus Chicoyneau , *Patris  
Coadjutor.*

R. D. Gerardus Fitzgerald.

DOCTORES ORDINARII.

M. Eustachius Marcot.

M. Antonius Fizes.

M. Hugo Gourraigne.

M. Petrus Fournier.

M. Petrus Guisard.

M. Antonius Ferren.

M. Andræas Cantwel.





ILLUSTRISSIMO VIRO D. D.

PETRO CHIRAC,

Regi à Secretioribus Consiliis &  
Archiatrorum Comiti.

CANCELLARIO AMPLISSIMO,  
DECANO PLURIMUM VENERANDO.

PROFESSORIBUS Celeberrimæ Facultatis Medicinæ  
Monspelienfis Illustrissimis.

D. V. C.

VIRI CLARISSIMI,

*Cui potiori jure Laborum Academicorum primitias offerre possem, cum à vobis quidquid Medicinæ scio, acceperim, hoc igitur Opusculum grato animo accipite, si quid in eo sit laude dignum, vestrum est; meum verò quidquid aut parùm elegans, aut veritati non perfectè consonum. Quæstionem intricatam sanè & arduam à paucis Autoribus tractatam suscepi, eam pro viribus enodare conatus sum, an aliis quidpiam verisimiliùs dixerim asserere non audeo; quidquid tamen sit, VIRI CLARISSIMI, hoc Opusculum ut debitæ summis vestris meritis ob-*




*servantiæ pignus vobis offero , & insuper ut aliqua studiorum meorum ratio apud vos constet , quos ut Iudices æquissimos metuo , & Parentes charissimos veneror. Submisso igitur cultu à vobis efflagitare liceat ut levidense hoc gratitudinis symbolum non aspernemini , serenâ quæso fronte tenuem hunc qualiscumque ingenii nostri fætum suscipite ; hancce Dissertationem salutaribus summæ benevolentiae radiis collustrare nullatenus gravamini , & contra malevolos deffendite , quam vestro sub nomine & patrocínio promulgamus. Felicitati meæ complementum accessisse arbitrabor si lucubrationes meas à vobis bono animo acceptas fuisse intellexero : hæc si concesseritis animum ad majora dabitis , vestro nomini perpetuò consecranda. Quid superest nisi ut Deum rer-Optimum deprecet ut vos ad Medicinæ profectum , populorum utilitatem & Alumnorum bonum & comoda diù sospites & incolumes servet ; hæc sunt sincera Vota illius qui cum summâ veneratione & observantiâ semper erit ,*

**VIRI ILLUSTRISSIMI,**

*Vestrum omnium Cliens addictissimus & obsequentissimus.*  
**J. GUILLEMEAU.**

**Dabam Monspeli die  
Augusti anni 1731.**






# DISSERTATIO

## ACADEMICA

### DE

# FEBRE TERTIANA

## INTERMITTENTE.



EBRIS quæ per vices impetum remittit, ut plena *Apyrexia* inter duos quosque paroxismos intercedat, Intermittens à Medicis vocatur, nonnunquàm diuturnitate ægros non parùm molestat, & irritâ Medicorum solertiâ, in alteros graves commutatur affectus: Hujus distinctio ut potè solâ temporis differentiâ innixa, in varias classes facilis quas seorsùm hîc examini subicere animus non est, cùm ea quæ de unicâ dicentur specie cæteris conveniant, ac idcirco proposito satisfecisse existimamus, si Tertianæ Intermittentis historia, quantum in nobis erit, accuratè exponatur.

Tertiana est ea Febris Intermittentis species quæ alternis diebus desinit, atque recurrit. Dum paroxismus horas 12. non excedit Legitima, seù Exquisita dicitur; si hoc tempus excedit Notha; si ultra 24.



horas protrahitur Extensa nuncupatur. Rursus ratione typi Regularis est, vel Erratica; Regularis si tertiâ quâlibet die, eâdem horâ deferat, ac recurrat; Erratica si accessiones horis diversis redeant. Demum si Febris singulis diebus ita recurrat, ut hujus accessiones altero quòque die vi & duratione pares sint, duplex Tertianâ vocatur.

---

## C A U S Æ.

**Q**Uandòquidem Febris Intermittens à continuâ intermissione tantum discrepat, hanc à causâ Febris generali produci necesse est, at jam ab omnibus fermè Medicis acceptum est Febrem ab obstructione capillarium oriri; igitur Intermittens ab eâ quòque obstructione nascetur, ita tamen ut hæc obstructio permanens sit in continuis, modo verò deferat atque recurrat in Intermittentibus, ex quo ratio circuituum peti debet: Quâpropter Tertianæ Intermittentis causa est obstructio capillarium alternis diebus deferens atque recurrens ex quâ præternaturalis pulsus frequentia cæteraque Febris symptomata sequuntur.

Hanc capillarium obstructionem alternis vicibus recurrentem fibrosæ lymphæ partes concretæ, seu spissiores factæ præcipuè efficiunt, quæ ideò ad fluendum minus idoneæ in capillaribus propter nimiam horum diametrum remorantur: plura verò sunt quibus humor lymphaticus spissescere potest.

I. Experimentiâ constat homines lacus, paludesque incolentes frequenter Febre Tertianâ corripì, imò quandòque Autumno in his locis epidemicè grassari; quod à triplici causâ fieri existimamus, 1<sup>o</sup>. vitio aëris. 2<sup>o</sup>. Ciborum. 3<sup>o</sup>. Aquarum. Coelum insalubre esse, nocuisque particulis foetum, etiam leviter attendenti



patet ; calore Æstatis lacus , paludesque exsiccantur , vi radiorum solis vapores & halitus ex stagnantibus aquis , ipsoque limo elewantur qui aërem corrumpunt. Cibis quoque pessimis incolæ plerùmque vescuntur fructibus , piscibus præsertim in stagnis captatis , quorum caro insipida , mollis , glutinosa lymphas digestivas obtundit , vim stomachi infringit , digestionem pervertit. Demùm horum locorum aquæ non puræ , non manantes , at limosæ , stagnatione corruptæ ciborum coctioni nocent , & sanguinem partibus spissioribus gravidant à quibus Febris Intermittens oritur ; ex eo fit ut harumce Regionum incolæ solâ aëris ac victus mutatione absque ullâ Medicinæ ope ex hac febre sæpè convalescant.

I I. Hæc Febris aëri nebuloso , imbris assiduus , & intempestivæ balneationi non rarò natales suos debet. Quanta sit in humano corpore transpirationis utilitas nemo nescit qui Sanctorii experimenta noverit , quibus patet hanc excretionem cæteras omnes sensibiles evacuationes longè superare : Verùm à causis jam recensitis , constrictis poris cutaneis transpirationis excretio cohibetur , futurum exindè ut moles humorum impensè crescat , quæ idcirco solidorum elateri majorem resistantiam opponens minori vi premitur , seu in vasis lentescit ; hoc ergo lentore motûs humores minùs divisi strictiùs coeuntes crassescunt , seu partes obtinent quarum moles & diameter capillarium diametrum excedunt : accidit insuper aërem nebulosum , imbres assiduos , Balneationem in aquâ frigidiori humores in vasis cutaneis circulantes suo contactu cogere posse ; ex eo etiam fit ut Febris Intermittens sanata , passo frigore , vel manibus pedibusque in aquâ frigidâ immeritis recrudescat.

III. Si ab humidis , frigidisque exterius admotis humores ita spissescant , ut Febris intermittens oriatur , quantòmagis idem continget ab epotatis , aquâ aliisque liquoribus glacie vel nive refrigeratis , cum interiùs as-



sumpta humoribus circulantibus misceantur; hâc enim miscelâ fit ut humores communicato motu de velocitate remittant, qui idcirco in vasis lentescunt spissescunt, præsertim si corpore æstuante potus gelidus hauriatur, cum liquida incalescentia citius congelari experientia doceat, id profectò evincit horripilatio quam potu gelido assumpto per universum corpus diffundi fere omnes experiuntur.

IV. Loca humida subterranea insalubria esse, & qui ea incolunt Febrem intermittentem contraxisse sæpius experientia docuit: frigore pori cutanei constringuntur, excretio transpirationis insensibilis cohibetur & humores in vasis cutaneis circulum suum agentes coguntur, humidis verò halitibus per aërem diffusis vasorum tonus, visque systaltica debilitantur, ac proinde liquida lentius provoluta, minus pressa & attrita spissescunt, pari ratione Febris intermittens producitur si tempore somni ventus frigidus, humidusque corpus denudatum perflarit, cum tunc transpirationis excretio maximè cohibeatur, & humores ad vasa cutanea uberius appellentes contactu aëris frigidi concrecant.

V. Fructus acerbi & immaturi Tertianam intermittentem frequentissimè pariunt, horum partes arctius connexæ, mole nimia præditæ lymphis digestivis ingressum denegant, ventriculi pressioni non faciliè cedunt, ac non satis divisæ ex ejus cavo ad intestina trudentur, ubi bilæ, succo Pancreatico & intestinali parùm attritæ, elaboratæ molem nimiam & rigiditatem servant, ac tandem vias chyli permeantes crudæ & prorsus indigestæ sanguini admiscuntur, cujus partes cogunt, arctiusque stringunt, lymphaticas præsertim utpote gelatinosas, faciliè concrecentes, & in quas major chyli portio commutatur. Imò fructus quidam sunt qui etiam maturi ob nimiam partium molem, arctioremque contactum, aut crassam indolem stomacho minus obtemperant, & in Febrilem materiam convertuntur, ut Malum Armeniacum, Pepo, Cucumis, &c. præfer-



tim si glacie vel nive refrigerata fuerint.

VI. Febris tertiana, eos sæpè occupat qui formidine repentinâ ingentique terrore, vel quovis altero gravi animi pathemate corripuntur. Quantum verò animi motus corpus afficiant nemo propriâ experientiâ nescit, his subito imminutis cordis vigore, omniumque vasorum elatere, motus vitalis ubique languet, undè ob inertem vim vasorum systalticam humorum lentor, stagnatio, attritionis defectus, tandem spissitudo, exfuscitato dein cordis motu, & vasorum elatere, fluida magis premuntur, atteruntur, ad motum citatiorem concitantur; verùm humorum partes quæ morâ arctiùs unitæ fuerant, vasorum pressioni & elateri minùs obsequentes, molem & spissitudinem servant; ac idcirco majori vi & longiori tempore opus est ut è vasis minoribus ad majora redeant, ubi reliquo sanguini admixtæ ejus fluxilitatem imminuunt, partesque lymphæ glutinosas densant.

VII. Lædi plerumque digestionem & exinde cruditates in primis viis colligi, quæ plurimum Morborum fons & origo sunt, ita apud omnes Medicos constat, ut nihil in Medicinâ certiùs, harum partes quæ figurâ & diametro venarum lactearum orificiis congruunt à fluidis ad intestina perpetuò confluentibus in venas lacteas raptæ ad communem sanguinis oceanum perducuntur, cujus liquiditatem magnopere imminuunt partesque lymphaticas densant, mole enim suâ ac duritie gelatinosæ sanguinis partis expansionem præpediunt, ramos arctiùs ligant, eique soliditatem quamdam conciliant.

VIII. Ut integra fervetur œconomia animalis, natura variis in locis organa collocavit, in quibus varii humores ad varios usus continuò secernuntur, si ordo secretionum pervertatur, fiet necessario ut ea quæ excernenda sunt retineantur, ac in vasis sanguiferis cumulentur, unde quantitas humorum prætermodum augebitur, datâ autem majori humorum copiâ, major



quoque resistantia vasis opponitur, quo fit ut humores ægrius propellantur, minùs atterantur, magis densentur; rursùs quoniam varii succi tanquam inutiles excernendi retinentur, his retentis crasis humorum necessariò alteranda, ac idcirco massa humorum particulis crassis ad fluendum parùm idoneis foeta spissior evadet. Id demonstrat Febris intermittens quæ à lacte post partum retento in mammis & utero copiâ non sufficienti secreto ortum habet.

Demum Febris intermittens à viru Syphillitico, & scrophuloso plerùmque producitur, item eos faciliùs, sæpiùsque affligit qui cachectici sunt, vel prava humorum crasi fruuntur, quid verò cachexia aliud præter sanguinis & lymphæ præsertim spissitudinem ferique excessum significat, quæ habitu corporis tumido, male colorato, facieque in primis pallidâ & decolore indicatur, similiter virus syphilliticum & scrophulosum partem sanguinis lymphaticam præcipue corrumpit, ut ex utriusque affectibus colligi facile potest. Ex dictis itaque concludendum partes lymphæ concretas Febris intermittens causam esse præcipuam.

Expositis Tertianæ intermittens causis, ordo expostulat ut ejusdem symptomata prosequamur; verum cum in parte periodi deteriori accidant, ratio circuituum prius investiganda Quæstio admodùm intricata, & gravissimis difficultatibus plena, nec idcirco prætereunda etsi nec mihi, multo minus aliis me satisfacturum confidam, verùm ut cum methodo procedamus, quædam præmittenda esse censuimus.

## POSTULATA.

### I.

**C**Orpus humanum machina hydraulica est ex vasis, seu tubis flexilibus, elasticis, mirificè implexis, & convolutis conflatum,



Vasa ratione liquidi contenti , Ufus & Fabricæ varias habent denominationes , hinc Sanguinea , Lymphatica , Nervea , Secretoria , &c.

## III.

Sanguinea omnium præcipua , [ ut pote sanguinem , fluidum totius corporis præstantissimum continentia , ] in arterias & venas dividuntur ; sanguis arteriis è corde ad partes transfertur , venis verò è partibus in cor reducitur.

## IV.

Quâ proportionè arteriæ à corde recedunt ramos è lateribus emittunt , & harum diameter pari proportionè minuitur , ita ut arteriæ majores & sensibiles quæ conicæ sunt in tubos insensibiles cylindricos abeant ; idem in venis observatur.

## V.

Rami qui è truncis arteriarum abscedunt duplicis sunt speciei , alii sanguinei quia partem sanguinis purpuream , lymphatici alteri quia lympham , seu partem sanguinis albam admittunt ; è lymphaticis vasa secretoria oriri existimamus.

## VI.

Arteriæ ramos omnis generis emittere non desinunt , donèc tenues admodum & insensibiles in tubos cylindricos abierint , qui venarum principium efformant.

## VII.

Vasa , fluida contenta suo elatere premunt , atte-



runt, & ad motum progressivum cogunt; fluida verò dùm fluxilia sunt & debitâ crassi prædita vasorum pressioni cedunt & juxtâ eorum axim progrediuntur.

## V I I I.

Celeritas fluidorum axes vasorum percurrentium diversa est, 1<sup>o</sup>. ratione vasorum. 2<sup>o</sup>. ratione distantiae à corde.

Fluida multò celerius in vasis sanguineis quàm lymphaticis moventur; imò major est celeritas sanguinis arteriosi quàm venosi. Demùm sanguis qui celerrimè in trunco aortæ movetur, placidè lentèque in extremis arteriis progreditur. Hæc motus diminutio triplici fit de causâ: 1<sup>o</sup>. ob numerum sectionum & inflexionum arteriarum, unde innumeri efformantur anguli sanguinis velocitatem retardantes. 2<sup>o</sup>. Quâ proportionè crescit numerus ramorum, eâ quoque textus & elater arteriarum minuuntur. 3<sup>o</sup>. Multiplicatis arteriarum ramis superficies earum interior, columnæ verò sanguinis exterior pari proportionè multiplicatur, seu quod idem est plures ejusdem sanguinis partes pluribus vasorum punctis applicantur, & idcirco multò major motus communicatio & deperditio fit, ex his igitur liquet, liquida quæ sunt in majori à corde distantia lentiùs moveri.

## I X.

Fluida in vasis contenta perpetuò pressa, impulsa juxtâ vasorum axes ita progrediuntur, ut ad idem redeant corporis punctum, undè profecta sunt. Is motus sanguinis circulatio dicitur, cujus punctum copulans cor ipsum est sanguinem ad omnes corporis partes suâ contractione mittens, eundemque in dilatione recipiens. Notandum tamen totam humorum molem quæ à corde contracto ad partes impellitur  
ad



ad ipsum non redire , portio enim quæ vasa secreto-  
ria extrà corpus hiantia , ingreditur utpote extra vias  
circuitûs posita ad cor reduci non potest.

## X.

Sanguinem à corde contracto in arterias appensas  
missum in ipsum redire legibus circulationis notum  
est , nec interim spatium temporis quod quælibet  
sanguinis pars in circuitu absolvendo impendit certò  
notari potest , cùm id è quantitate sanguinis , ejus-  
dem celeritate , & majori vel minori valorum infle-  
xione viam longiorem , aut breviorẽ efficiente sit  
deducendum , quæ accurato calculo determinari mi-  
nimè possunt.

## X I.

Partes sanguinis ad cor intrà datum tempus rede-  
unt , aliæ quidem citiùs , alteræ tardiùs. Hujus postu-  
lati veritas assiduo cordis motu , variâ vasorum sec-  
tione & inflexione demonstratur.

## LEMMA I.

**F**Ebris aliquid supponit in vasis sanguineis conten-  
tum , sanguinis fluiditatem pervertens , & capilla-  
rium obstructionem efficiens.

Quandiu humores debitâ crassi præditi fluxiles  
sunt, tandiu ubique liber & æquabilis est sanguinis cir-  
cuitus , ut liquet ex Postul. VII. alteratâ verò horum  
fluiditate difficilis & inæqualis in capillamentis futu-  
rus , quia exigua eorum diameter partes humorum  
crassas mole majores liberè & expeditè fluere non  
sinit , ac per consequens ex eo futurum ut capilla-  
menta , seu ultimi arteriarum rami obstruantur , ve-  
rùm obstructis capillamentis sanguis per truncos seu



vasa majora ac breviora celerius ad cor reducitur, cujus dilatatio & contractio pari momento accelerantur, fiet igitur Febris ab eo quod sanguinis fluiditatem tollit, seu partes ejus densat & capillamentorum obstructionem parit.

## L E M M A   I I.

**F**ebbris semel accensa non desinit, nisi materia capillamenta obstruens attrita discussa fuerit, seu è vasis sanguineis minimis in majora, vel in secretoria & exinde extrà corpus ejecta, aut demùm in lymphatica translata, adeò ut penitus extrà vias circulationis non sit.

Quoniam Lemmate præcedenti Febrem à capillamentis obstructis oriri dictum est, ex eo sequitur, discussâ materiâ obstruente & capillamentis liberis factis Febrem non esse perseveraturam, cum ipsa sit harum obstructionum effectus: materia verò obstruens repetitis vasorum pulsibus, iteratis sanguinis pressionibus ac collisionibus attrita, seu in minores particulas divisa, partim à fluento purpureo rapitur, major autem pars Lymphatica subit, exindè si fat tenuis sit in secretoria quibus è corpore ejicitur, si minus divisa ac tenuis fuerit, axim lymphaticorum prosequitur, ubi nullum febrilem æstum concitare potest, 1<sup>o</sup>. quia lymphæ circuitum absolutè non impedit, sed tantùm retardat; 2<sup>o</sup>. quia Febris in accelerato sanguinis circuitu consistit, sed juxtà Postulat. VIII. lentus est motus lymphæ, velocior sanguinis vasa sua percurrentis; Febris igitur non ab obstructis lymphaticis, sed capillaribus sanguineis oritur, adeoque materia lymphaticos ductus ingressa nec Febrem concitat, nec est penitus extrà vias circulationis, quod erat demonstrandum.



## L E M M A   I I I.

**P** Artes materiei obstruentis quæ à fluento purpureo rapiuntur æstum febrilem concitare nequeunt.

Materia capillamenta obstruens in partes mole & figurâ admodum discrepantes dividitur, quæ tenuiores sunt, [ utpotè ad fluendum aptiores ] in centro vasis juxtâ axem disponuntur, ubi major est fluidorum velocitas, quæ verò crassiores & figurâ suâ ad motum minùs idoneæ ad circumferentiam pelluntur, & orificiis lymphaticorum occurrentes horum cavitates ingrediuntur; at partes tenues 1<sup>o</sup>. cæteris rariores sunt, quia perfecta non fit materiei obstruentis divisio. 2<sup>o</sup>. Mole & fluiditate parùm à partibus sanguinis discrepant. 3<sup>o</sup>. In vasis sanguiferis ob motûs celeritatem uniri non possunt, ut molem & crassitiem recuperent; sanguinem igitur spissare nequeunt ut obstructio capillamentorum redeat. Fatendum tamen has partes ipso sanguine minùs mobiles, ad spissitudinem contrahendam eum disponere; rursùs novus materiei in sanguinem proventus hanc dispositionem fovet, etenim è foco febrili aliqua ad sanguinem mittitur materia, quæ quidem partitis vicibus & parcâ quantitate traducta Febrem non parit, sed ad ipsam contrahendam disponit. Ab his profectò provenit humorum spissitudo quam consequuntur lassitudines, tarditas pulsûs, pallor totius corporis, quæ extrâ paroxysmum febrilem in ægris observare licet.



## P R O P O S I T I O.

**P** Artes materiei, quæ primum Febrilem paroxysmum peperit, vasa lymphatica ingressæ, ac in eis præ



motus lentore iterum conjunctæ , ad sanguinea vasa redeuntēs alteram accessionem pariunt , iterumque similiter in fine accessionis divisæ , ac lymphatica ingredientes , exinde ad sanguinem pari temporis intervallo redeunt , & accessiones febriles efficiunt eodem temporis intervallo recurrentes.

Vasa lymphatica ex arteriis capillaribus oriunda , in venâ subclaviâ sinistrâ terminari docet Anatome ; liquet præterea ex Lemm. II. lympham intra vasa sua progredientem ipso sanguine lentius moveri , futurum exinde ut præ motûs lentore partes attritæ coëant , seu partes lymphæ gelatinosæ in vasis sanguineis divisæ iterum concrecant , ac eandem quam antea habebant spissitudinem adipiscantur , quæ sic spissæ & concretæ sanguini admixtæ circulationis legibus ad pulmones & cor deferuntur , indeque in arterias projectæ per universas corporis partes diffunduntur , ubi capillamentorum obstructionem de novo pariunt , Febremque accendunt , donec divisæ vasa lymphatica ingreantur. Verum tametsi [ ut ex Postul. X. colligitur ] tempus quod lymphæ in suo circuitu absolvendo impendit accurato calculo notari non possit , nihilominus tamen fixum & determinatum impendere certum est , ex eo quoque fit ut ordo circuituum idem servetur. Dum cor determinatum pulsum numerum tempore determinato efficiens , eandem humorum copiam intra idem tempus per arterias ad partes mittit , modo eadem sit humorum quantitas & consistentia , seu ad fluendum aptitudo , modo partes lymphæ concretæ eundem ferè spissitudinis gradum retineant.

Nec contra hypothesin nostram quidquam facit partium spissarum jactura , quæ tum secretoriis vasis extra corpus in quâlibet accessione ejiciuntur , aut à fluento purpureo raptæ adeò atteri possunt , ut accessioni producendæ impares prorsus sint , cum hæc jactura à foco Febrili refarciri possit , unde nova materie quantitas



tas sanguini suppeditatur, quæ priori adjuncta ejusdem jacturam reparat, unde duratio Febris. Verum si focus Febrilis primâ accessione fere exhaustus fuerit, accessio quolibet circuitu imminuetur, & dein intra paucos dies desinet, imò si tota materia in primâ accessione sanguini admixta hujus sit spissitudinis ut atteri & pœnitus dividi possit, quoniàm sic divisa ductus secretorios subit, & tota ejicitur, Febris non amplius redit.

## COROLLARIUM I.

Ex dictis liquet diversas Febris intermittentis species, à vario spissitudinis gradu procedere, quæ spissior est materia longiori temporis intervallo indiget, ut iterum ad sanguinem redeat, quæ minùs spissa minori, unde Quartana, Tertianæ & Quotidiana intermittens, dum verò quantitas materiei Febrilis exsuperat accessiones singulis diebus extenduntur, & Febris intermittens brevi in Continuum mutatur. Demùm ex expositis adhuc patet cur eodem servato victûs regimine accessiones iisdem semper diebus, imò & dierum horis redeant, cum tunc idem intra datum tempus pulsationum cordis & arteriarum numerus futurus sit, & fere eadem persistet humorum consistentia, quibus sit, ut semper spatium idem à fluidis spissis eodem tempore percurratur. Verùm si error quidam sit in victû; Si cibi copiosiores, aut pravæ indolis ingerantur, Si liquida spirituosâ potentur, si æger gravi animi motu corripiatur, si nimis se excerceat, mutanda esse, humorum crasim & circuitum, quis non videt, quibus ordo accessionum pervertetur.

## COROLLARIUM II.

Sequitur 2<sup>o</sup>. Febrem intermittentem post aliquot circuitus esse cessaturam si materiei spissitudo tanta non sit, ut pressioni vasorum diù resistere queat, quâ-



libet enim accessione hæc materia sanguini admixta per pulmones, cor & arterias provoluta, pluribus potentiis subjicitur, quibus atteri ac dividi necesse est; quâpropter sæpius attrita ad hunc divisionis gradum pervenit, ut ductus excretorios ex ipsis lymphaticis oriundos ingrediatur, quibus extrâ vias circulationis ejicitur, inde Febris intermittens modo sudore, non numquam vomitu, aut largo alvi profluvio sanatur, prout ductus excretorii harum partium patentiores materiam prius divisam fecernunt. Si major fuerit materie spissitudo, seu partes spissæ majori vi coëant, magis suæ separationi resistent, & Febris longior, pertinaciorque erit. Rursus si hæ partes in ductibus lymphaticis lentescunt mole & soliditate ad coëundum aptiores ulterius spissescant, cum ultrâ progredi nequeant, sistunt, nec in sanguinem redibunt, ex eo fit ut Febris intermittens obstructions viscerum abdominalium adeò frequenter post se relinquat. Demùm nihil veròsimilius ad nostram Febris intermittens Doctrinam comprobendam in medium afferri potest, quam id quod in Febre Quartanâ frequenter evenit, ægri enim scabie erumpente ex hac convalescunt, evanescente verò subito scabie, aut topicis intus repulsâ Febris Quartana recrudesceat, cur vero Febris erumpente scabie desinit, nisi quia partes lymphæ spissæ vi & impetu sanguinis circulantis in ductus lymphaticos cutaneos intrusæ, ibi propter vasorum exilitatem, & inflexiones retinentur, ac idcirco reliquus sanguis his partibus orbatus liberum & æquabilem in capillamentis circuitum absolvit, verum intus repulsæ, iterumque sanguini mixtæ capillarium obstructionem pariunt, & Febris prius sopita redit.



15  
SYMPTOMATA.

**A** Nimus non est omnia Febris Tertianæ Symptomata exponere, quædam seligemus, quorum explicatio Doctrinam Febris intermittentis jam expositam non parùm confirmabit.

I. Quoniam partes materiei Febrilis finitâ priori accessione ductus lymphaticos ingressæ crassitie pares non sunt, & dispares orbes describunt, inde fit ut aliæ aliis citiùs in sanguinem redeant, quæ tametsi capillarium obstructionem quâ Febris inducitur, parere nequeant; partes tamen ejus ligant, ad fluendum minus idoneum efficiunt, ex eo fit ut sanguis in pulmonum contextu lentescat, vasa nimis repleat, Fibrasque nerveas distrahat, quarum distractione fit ut major liquidi spirituosi influxus ad musculos respiratorios per vices avocetur, unde major quoque pectoris dilatatio, orisque mechanica diductio, ut major sit aëris ad pulmones descensus, cujus ope pulmones à sanguine lentescente sublevantur, hinc oscitandi necessitas. Sanguis pari ratione in contextu musculorum lentescens Fibras ipsorum moleste distrahit, pondere veluti aggravat, unde lassitudines spontaneæ oriuntur, quibus natura meliùs occurrere non valet, quam musculos successivè contrahendo, seu artus modò extendendo, modò verò flectendo, ut validis ac repetitis contractionibus sanguis lentescens è musculis uberius exprimatur, hinc pandiculationes. Demùm quia partes lymphæ Fibrosæ spissiores quolibet momento in vasa sanguifera instillant, sanguinis crassities etiam augetur, quo fit ut ipse cordis & arteriarum pulsibus magis resistat, lentiùs intra arterias progrediatur, tardiùs per venas in cor redeat, unde tarditas & raritas pulsûs cum debilitate conjunguntur, liquido spirituofo segniùs & parciùs ad cor influente.

II. Auctâ partium crassarum in sanguine copiâ spif-



fitudo crescit, seu partes sanguinis coactæ molem majorem adeptæ pulsui cordis, vasorum pressioni minùs obsequiosæ in extremis capillaribus lentescunt, unde major à fluidis vasorum affrictus, quo molesta horroris sensatio efficitur: verùm ob majorem vel minorem sanguinis crassitiem, circuitus magis aut minùs in capillaribus retardatur, ac idcirco modò horror, quandoque frigus in principio paroxysmi; frigus enim erit si motus sanguinis in vasculis sit interruptus, & ipse quasi per saltus progrediatur, ita ut alternâ vice nervis, modò ab arteriis sanguine turgidis, compressis, modò verò progrediente sanguine ejusmodi compressione liberatis, muscoli moveantur, vel potiùs convellantur, dato autem hujus crassitiei gradu quo frigus efficitur, sanguinis velocitas in capillaribus decrescet in ratione reciproca sectionum arteriarum & ipsarum distantia à sinistro sinu cordis, adeoque frigus extremos artus primò corripiet, utpote à corde maximè distantes, & ad quos sanguis nisi pluribus superatis obicibus venire potest, ab eodem spissiori sanguine in partibus à corde remotioribus lentescente fit livor Unguium & Labiorum. Rursùs si partes spissæ arteriolas subeant periostrum componentes fiet ejusdem Vasorum infarctus, repletio magna, distractio vehemens, ac producet doloris sensus, quasi Ossâ contunderentur, vel frangerentur; ex eâ humorum crassitie nascitur etiam frigus spinam dorsî occupans, quoniam enim propè Vertebrae dorsî innumeræ arteriolæ distribuuntur, tam ex intercostalibus quam lumbaribus oriundæ, quæ partes spissas crassasque non secùs ac cæteri arteriarum rami admittere possunt, in his quoque idem frigoris sensus fieri potest.

Dum corpus alget, dum omnes partes frigore concutiuntur æger nonnunquàm nauseat, aut vomiturit, tunc præpedito ad partes externas cruoris appulsu, majori quantitate ad internas derivatur, quo fit ut arteriolæ tunicas ventriculi permeantes uberiori sanguine



ne turgidæ ipsum ad stimulum quemcumque sentientem aptiorem reddant , rursus arteriolæ ventriculi majori cruoris copiâ plenæ fortius oscillant , & solito more magis calent ; his igitur de causis materiæ indigestæ in ejus cavo contentæ , commotæ & expansæ tunicam nerveam stimulant & nauseam aut vomitum procreant ; pravus verò oris sapor ex indole materie in stomacho contentæ , halitus per œsophagum emittentis provenit. Demùm ob minorem ad partes externas sanguinis appulsum , & ejusdem spissitudinem fit ut imæ fauces arescant , & sitis intensâ oriatur , quia salivæ secretio minuitur , & sanguis uberius ad pulmones affluens , ibique fervorem concipiens aërem expirandum calefacit.

Insuper tot obstructis capillaribus ingens fit in circuitu sanguinis turba , nixus vehemens solidorum in fluida spissa lentescencia , renixus eorum in solida , inæqualis humorum derivatio ac distributio , quæ sine maximâ vasorum distractione contingere nequeunt , unde anxietates : interim quoniam cor pulsare non desinit , humores spissos & lentescientes indefinenter etiam premit , adeoque quidquid est in sanguine ad fluendum aptius ad vasa majora & liberiora derivatum citius ad venas transfertur , citiusque in sinus ejusdem reducitur , unde frequentior cordis & arteriarum pulsus cum calore conjunctus qui non ab ægro algente sed ab adstantibus percipitur , pulsus tamen parvus est & contractus ob minorem copiam sanguinis cor ingredientis , & tunicarum arteriæ rigiditatem , vasculis eas componentibus sanguine spisso & lentescente repletis.

III. Quâ proportionem contractio cordis acceleratur , multiplicantur solidorum in humores spissos ictus & pressio , ac proinde quæ facilius ex humoribus solvi possunt soluta & liquata in vasa libera & majora rapiuntur , quæ majori humorum mole stimula suos quoque ictus intendunt , ac idcirco fluidum



cruentum citiùs & uberiùs in venas translatum in cor reducitur eâ ratione frequentius & validius contrahendum, sanguis igitur à corde impetu majori in arterias missus, vi quoque majori tunicas vasorum impetet atque vibrabit, ergo calor cum Febre intendetur, at juxtâ Postul. VIII. celeritas liquidorum vasa permeantium diversa est ratione distantiae à corde, ergo calor in partibus internis utpotè cordi proximioribus primò augebitur, & ex iis paulatim ad remotiores & externas diffundetur.

Mirum fanè evenire quandoque frigus paroxysmi calorem [saltem naturali majorem] non excipere, sed ipsius loco dolores in partes membranosas diffundi cum levi pulsus alteratione, ut observare nobis tantùm bis contigit, id fieri crediderim à gradu concretionis partium fibrosarum lymphæ, quæ adeò leviter conjunguntur ut facilè solvi & atteri possint, sicque obstructio capillarium citiùs sublata, Febrem & reliqua eam comitantia producere nequit, verùm à motu febrili major partium obstructuentium solutio facienda; ergo partes quæ sine prægressâ Febre solvuntur crassiores adhuc & spissiores sunt, ut arterias lymphaticas expeditè permeare possint, exinde harum infarctus, dilatatio, & membranarum distensio dolorifica, quæ omnia evanescunt dum hæ partes venas lymphaticas attingunt.

IV. Accenso febrili motu sanguis vi majori à corde in aortam projicietur, ergo ejusdem rami pari momento dilatandi, ac proinde pulsus validior, velociorque erit; rursus accelerato circuitu sanguis, ad superiora crebriùs appellens per partes capitis internas & externas copiosius diffundetur, exinde faciei rubor, oculorum splendor, gravisque capitis dolor suboriuntur, quibus vigiliæ pertinaces accedunt, obstructis enim capillaribus quæ in interiora derivatur sanguinis portio mobilissima est, utpotè quæ difficilius tardiùsque lentescit, ergo carotides vertebrales-



que arteriæ copiosiori tenuiorique sanguine irrorantur quarum ramuli difficilius rariùsque quàm reliqui corporis capillaria , in primis à corde sive aortæ trunco remotiora infarciuntur , unde copiosior spirituum secretio , quod ita fieri earundem arteriarum origo ab aortâ , vel locis aortæ proximis , situs ad rectam lineam maximè accedens abundè docent. Auctâ spirituum quantitate , arteriisq; cerebri validiùs crebriùsque oscillantibus copiosior fit spirituum in nervos influxus , qui continuò tensi ad objectorum impressiones suscipiendas continuò sunt parati , quâ nervorum dispositione status vigiliæ fit.

V. Ob velociorem sanguinis ad pulmones appulsum nimiamque vasorum rete pulmonare componentium exilitatem , & in primis inflexionem fit ut sanguis pari velocitate vasa pulmonum non permeet , in ipsis hæreat & stagnet , ex quo validior nervorum pulmonarium succussio , & vesiculis aëre dilatandis resistantia major ac proinde accelerata & difficilis erit respiratio , ex eodem circuitu intra vasa capillaria perturbato anxietates oriuntur ægros tantopere divexantes.

V I. Accelerato sanguinis circuitu magnus fit fluidorum in solida impetus , æqualis solidorum in fluida reactio , unde pressio , agitatio , rotatio globulorum , spirularum verò aëris vis elastica major , totiusque fluidorum massæ fervor , æstus , expansio maxima , ingens feri dissipatio , reliquarum partium confusa permixtio , quibus secretiones perverti necessum est , urina igitur pauca , rubra , flammea in vigore accessionis excernetur.

V II. Sanguis in vigore paroxismi febrilis à corde in aortam ejusque ramos maximâ vi projectus , in capillamenta obstructa pari momento pellitur , is ergo & humorem spissum obstruentem & vasa obstructa validè impetet , donec iteratis percussionibus , & repetitis vasorum ictibus humor spissus solvatur , seu in



partes minores dividatur , quarum tenuiores juxta Lemm. II. à fluento purpureo rapiuntur , crassiores verò ostia lymphaticorum orgasmo febrili aliquatenus ampliata subeunt , sicque capillamentis sensim & sine sensu obstructione liberatis , placidus fit sanguinis circuitus ; verum capillamenta citius aut segnius obstructione liberantur , juxta copiam , & indolem materiei obstruentis , unde accessionis duratio brevior aut longior.

Insuper quoniam accessio quælibet materiei spissæ capillamenta obstruentis divisione intermittit , futurum exinde , ut hæc materia sæpius soluta in particulas fat tenues , ductus excretorios [ totius corporis minimos ] permeare valentes tandem dividatur , ac propterea sudor qui primis diebus nullus erat , dein copiosus in fine paroxysmi movetur : fatendum tamen sudorem in declinatione accessionum erumpentem non à solis materiei divisæ particulis fieri , verum adhuc à fero è sinu sanguinis exeunte , quo fit ut Febris non semper sudore solvatur etsi copiosus sit : nec à solo sudore , verum adhuc à vomitu vel alvi profluvio æger Febris sanationem obtinet , dum vasa excretoria ventriculi , vel intestinorum æstu febrili dilatata & ampliata copiosam secretionem moliuntur , morbifica materia semel in cavum ventriculi aut intestinorum delapsa vi stimulante prædita , vomitorii aut purgantis medicaminis vices gerens ductus excretorios emungendo excretionem continuò promovet , nam immixta fluidis appellentibus resistentiâ , major ad memoratos ductus fit humorum appulsus , & sanguis sæpius perluens arteriolas è quibus vasa excretoria humorem hauriunt , materiâ morbificâ in ipsis se exonerat.

Demum pacato æstu febrili , & sanguinis circuitu ad statum veluti naturalem redacto , ægri aliqualem virium lapsum patiuntur & membra molesto quodam pondere oppressa persentiunt , quæ partium mobilitatem,



ac liquidarum jacturâ, nec non violentâ vaforum minimorum distractione fieri opinamur.

## DIAGNOSIS.

**E**X allatis superiùs in definitione fatis superque patet Febris tertianæ intermittentis Diagnofis, ejusdemque differentiæ ex iis quæ eodem loco dicta sunt peti poffunt, quæ cuncta tam fcitû facilia funt ut iis ulterius immorari inutile fore meritò exiftimamus; nec tamen primâ invadente accessione certa haberi poteft hujus Febris Diagnofis fed expectandus alterius accessions reditus, ut cognito intermiffionis intervallo species Febris determinari poffit, iis fides non adhibenda qui Tertianam pronunciant quoties accessio cum vehementi rigore carnes quafi pungente incipit, quem vomitus biliofus citò fequitur, iisque fuccedit calor multus acer & mordax cum fiti intolerabili, refpiratione acutâ & laboriofâ, & vehementi capitis dolore, cum hæc in cæteris Febrium intermittentium speciebus, & in Quartanâ præfertim, fieri non rarò contingat, igitur ut certa fit Febris Tertianæ Diagnofis ordo circuituum priùs nofcendus.

Medico quoque nofcendum ubi focus materiei Febrilis refideat, an à vitio primarum viarum, aut ab evacuatione fuppreffâ, vel à lue quadam, an demùm ab obftructo vifcere quopiam Febris Tertianæ oriatur, quæ à prægreffis, concomitantibus, ipfiusque ægri relatu Medicus aflequi poterit, ut Curationem rite inftituat.

## PROGNOSIS.

**F**ebris Tertianæ Prognofis ab Hypocrate defumi poteft Aphorifmo LIX. Sect. IV. fic legitur, *Tertiana exquifita feptem ad fummum circuitibus judicatur.* & Aphor. xliii.



ejusd. Sect. inquit, *Febres quocumque modo intermiserint periculum abesse significant* ; id tamen intelligendum est de Tertianâ Febre omnis malignitatis experte, dantur enim Febres Tertianæ malignæ, quæ tametsi evidentes habeant intermissiones, ægrotantes tamen non rarò de medio tollunt ; imò Febrem Tertianam lethalem quandoque fuisse docuit experientia sive ob errorem ab ægro commissum, seu ob medicantis culpam qui medicamina validiora morbo & ægri viribus poenitùs contraria prescripsit : insuper tantum esse potest Tertianæ frigus, ut coactâ cruoris massa humores in partibus principibus lentescens, horum vasa infarciant & majori ex parte obstruant, unde totius œconomix clades, ut Harvoeus de motu cordis testatur, Cap. xvi. his verbis : *In Tertianæ Febris principio morbifica causa cor petens, circa cor & pulmones quando immoratur anhelosos, suspiriosos, & ignavos facit, quia principium aggravatur vitale, & sanguis in pulmones impingitur, incrassatur, non transit, hoc ego ex dissectione illorum qui in principio accessio- nis mortui sunt expertus loquor.*

Insuper Febris Tertiana affectus graves & lethales, ut hydropem, viscerum obstructionem, & suppurationem quandoque parit, & idcirco omnis periculi semper immunis non est ; verùntamen Febris hæc rarò per se periculosa est, nisi alter accedat affectus. Pustulas quæ in labiis & naribus erumpunt ut plurimum Febris finem prælagire experientia docet, pariter alvi fluxu, sudoribus vel insensibili transpiratione quandoque solvitur. Dum cute papulis exasperatâ Febris cessat, recidivæ periculum est, quia materia extra vias circulationis omninò non posita in vasa sanguifera redire potest.

Demùm quo circuitus sunt longiores & vehementiores eo quoque Tertiana gravior pronuncianda est, & vice versâ, ex quibus facile patet quale judicium de variis Tertianæ speciebus sit ferendum. Tandem ætas & constitutio ægrotantis, nec non anni Tempestas præcipuè considerandæ sunt ut Prognosis certa afferri possit.



23  
CURATIO.

**D**UO sunt in Febre Tertianâ intermittente tempora à Medico diligenter notanda, ut Remedia opportunè adhibeat, accessio nempe seu pars periodi deterior, & intermissio, in accessione nonnulla facienda, quædam verò in intermissione, seu accessionum intervallo. Rursus in qualibet accessione hæc quatuor distinguenda principium, augmentum, status seu vigor, & declinatio. In principio dum æger alget stragulis operiendus, nec-non Manibus, Pedibus, Faciei, cæterisque partibus calida lintea sunt apponenda, ut nimia cruoris spissitudo præcaveatur, si hæc irrita fuerint, & frigus adeò crescat, ut corpus concutiat, Cardiacis & spirituosus ægro opitulari oportet, ne humores spissiores cor Pulmones, cæterasque præstantes corporis partes suo lentore opprimant. At ubi vires Cardiacis sunt refocillatæ, & status pulsus liberiolem sanguinis circuitum indicat, ab omni prorsus remedio abstinendum, finem frigoris à solis naturæ viribus expectando, ni stomacho nimia faburrâ oppleto æger nausæâ, vel vomitu laboret, naturæ igitur quod molestum est ejicere conanti Medicus aquâ tepidâ primò succurret dein, Emeticis si necesse sit, Cardiacis eis adjungendo, si virium status illud exigat; vomitum hoc tempore Febris profuisse non semel docuit experientia, attamen dum vomitus mala gravissima procreat, ut summum virium languorem, anxietates fere intolerabiles, ardorem notabilem in stomacho & faucibus, tunc potiùs compescendus quam stimulandus, ne sistema Vasorum ad enormes oscillationes coactum sanguinis circuitum intercipiat, demùm si per rigorem paroxysmi æger siti nimium crucietur, os ejus elui potest, ubi & ficcum est & ipsi foetet, à potu tamen se abstineat, ne potu frigidiori cruore magis coacto rigor intendatur; ast si potùs abstinentiam ferre nequeat, potus calidus conce-



dendus , qui & sitim mitigare & ulteriorem cruoris spissitudinem prohibere valet.

Ut primùm calor in partes diffunditur & pulsus vegetior frequentiorque fit , jam Febris augmentum est , tum nullus Remediis est locus , & per aliquod tempus expectandum , donec Febris symptomata magis creverint , ipsaque ad vigorem seu statum pervenerint ; in hoc statu à Medico sedulò observandum quænam sit plenitudo pulsus , an arteriæ libere micent , an æstus humorum , nimisque celer sanguinis circuitus , partibus internis labem aliquam minentur , iis enim meliùs occurrere nequit , quam sanguinis missione , in brachio vel talo juxta necessitatem celebranda , imò brevi repetenda si symptomatum vehementia , nimiùs humorum æstus , pulsus plenitudo & frequentia , ætas & constitutio ægroti suadeant , & quamvis symptomata Febris maxima non sint nec ullum partibus internis periculum immineat , semper in vigore primi paroxismi sanguis mittendus , ut imminutâ humorum quantitate , Vasa potentiùs micent , partes crassas validiùs premant atque dividant & paroxismus citiùs finiatur.

Tandem remissis majori ex parte Febris symptomatis sæpè sudor erumpit , aut altera quædam movetur sensibilis evacuatio non cohibenda , sed naturæ viribus committenda , eâ viâ quædam materiei morbificæ portio evacuator , atque aliàs per eam ad integritatem venit.

Et ante omnia quæritur in paroxismo æger quâ ratione sit continendus , sunt qui cibum tenuem , sorbitiones scilicet jure carniû confectas ægris concedunt , alii denegant , & aquæ potum tantùm permittunt , istorum methodus & tutior , & morbo magis conveniens esse videtur , turgescencia vasorum , sanguinis æstus , motus ejusdem acceleratus , ab oleosis & pinguibus intenduntur , diluentibus verò mitigantur , igitur jura carniû quasi nocua in paroxismo habenda ,



habenda, & aqua tantum ægris concedenda est : illud tamen utique perpetuum non est, cum Febris à quodam tempore durat, & æger ob plures accessiones aut nimias evacuationes nimis imbecillus est, cibus in paroxismo non denegandus, nam, ut ait Celsus, „ unum illud & semper & ubique servandum est, ut „ ægri vires subinde affidens Medicus inspiciat, & „ quandiù supererunt abstinentiâ pugnet, si imbecillitatem vereri cœperit, cibo subveniat, id enim „ ejus officium est, ut ægrum neque supervacuâ materiâ oneret, neque imbecilliozem fame perdat.

In die à Febre liberâ æger modicè cibandus, ab esu carniū, fructuum, olerumve se absteineat, offis aliisque similibus vescatur; in eâ quoque remedia adhibenda sunt Febris curationem à purgantibus & emeticis inchoando, quæ tantæ sunt in hujus Febris curatione efficacæ, ut absque illis vix tutò profligari possit; imò si stomachus copiosâ saburrâ sit opletus emeticum sat potens exhibendum est. Evacuantibus bis aut ter repetitis expurgatâ primarum viarum saburrâ, crasis sanguinis spissâ & densata nimis emendanda, visque organorum chylum conficientium corroboranda, ad id obtinendum nihil cortice peruviano præstantius qui amaricante sapore præditus, & lymphis digestivis summè analogus ciborum coctionem juvat, sanguinem dividit, partes ejusdem crassas liquat, & nativam fluiditatem conciliat, is in pollinem tenuissimum reductus, aquæ sufficienti quantitate dilutus qualibet intermissionis die ter quaterve ad Dragma. ij. exhibeatur.

Vim Febrifugam Kinækinæ adjuvant Theriaca, in primis sal ammoniacum, cæterique sales lixiviosi, idem præstant plantæ insigni amarore præditæ, ut chamœdris, absynthium, & centaurium minus Febrifugum ab antiquis nuncupatum; cortex peruvianus in harum decocto dilutus Febri potenter medetur, uti experientia pluries docuit. Cætera taceo tam simplicia



quàm composita remedia quibus ad Febrem istam debellandam non-nulli utuntur , ne opus ultrà debitos limites extendatur ; silentio tamen prætermittere non possum acida quæ non-nulli in hac Febre suadent , ut spiritus sulphuris , aluminis , aliorumque similium quæ sanguinem ulteriùs inspissando viscera replent , secretiones imminuunt , & affectus lethales sæpè concitant , hæc profectò meritò damnanda , cum Febrem profligare non valeant , ad summum ipsam veluti sopiunt , ut dein vehementiùs recrudescat.

Ast ubi neque his Febris solvitur , purgantibus magis insistere convenit , quæ nervos intestinorum stimulando , cæterorum vasorum oscillationes augendo , humores dividunt , vasa excretoria in intestinorum cavo hiantia ampliant , & liberiora reddunt , sicque uberiores succorum excretionem movent , quâ sanguis materiâ morbificâ abundè se exonerat , ni natura excretionem cutaneam spontè moveret , tum reiectis purgantibus sudorifica præscribenda forent , non solum quia juxtà Hypocratem *Quò natura vergit , eò ducere oportet* , at in primis quia hæc evacuatio eam quæ fit per intestina multum excedit , ita demonstrante Pitcarnio , ac propterea major spes affulget Febris curandæ , docet tamen experientia Febres Intermittentes alvino fluxu sæpiùs quàm sudore sanari , id autem ex eo fieri opinamur quod materia morbifica Febris Intermittentis , utpote multum spissa , difficile in particulas minimas solubilis sit , quæ suâ tenuitate ductus sudoriferos exilitate insignes permeare queant.

Demum si hæc irrita fuerint Tertiana in alteram Febris speciem convertitur , vel obstructions viscerum parit , aut ipsa absque ullo servato ordine recurrit , adeoque non integra expectanda morbi solutio , nisi aperientium usu , & humorum spissitudo & viscerum obstructio penitus referetur.

F I N I S.





D. D.

JOANNI GUILLEMEAU  
Niortensi.

*Primam Apollinarem Lauream ambient.*

J A M Phœbum cingit facundum Heliconia turba  
Parnassique tuo nomine Tempia sonant.

Jam tibi maturos Pallas largitur honores,  
Et Febris victæ nuncia Fama volat.

Obtulit hæc debitum amicitiae  
Pignus, PETRUS LEVANS  
Lugdunensis, Art. Lib. Magister  
& jamdudum Medicinæ alumnus.



